

ZAVOD ZA JAVNO ZDRAVSTVO KANTONA SARAJEVO

PRAVILNIK O ZAŠTITI OD POŽARA

Sarajevo, novembar 2010. godine

Na osnovu odredaba člana 23. i 24. Zakona o zaštiti od požara i vatrogastvu FBiH ("Sl. nov. Federacije BiH", broj 64/09 (12.10.2009.)), te u skladu sa odredbama Zakona o radu ("Sl. novine Federacije BiH", broj 43/99) i člana 37., a u skladu sa članom 48. stavom 3. Statuta Zavoda za javno zdravstvo Kantona Sarajevo, Direktorica Zavoda za javno zdravstvo Kantona Sarajevo donosi,

PRAVILNIK O ZAŠTITI OD POŽARA

I. OPŠTE ODREDBE

Član 1.

Pravilnikom o zaštiti od požara (u daljem tekstu: Pravilnik) u Zavodu za javno zdravstvo Kantona Sarajevo (u daljem tekstu: Zavod) utvrđuje se način provođenja i unapređenja mjera zaštite od požara.

Član 2.

Zaštita od požara obuhvata skup mjera i radnji organizacione, tehničke i propagandne prirode, koje se preduzimaju u cilju sprječavanja izbjivanja i širenja požara, otkrivanja i gašenja požara, te spašavanja ljudi i materijalnih dobara ugroženih požarom.

Član 3.

Zaštita od požara organizuje se i kontinuirano provodi na svim radnim mjestima i svim objektima Zavoda gdje postoji mogućnost izbjivanja i širenja požara.

Mjere zaštite od požara preduzimaju se radi otklanjanja uzroka požara, sprječavanja izbjivanja i širenja požara i za otkrivanje i gašenje požara.

Član 4.

Zaštita od požara u Zavodu je sastavni dio redovnog poslovanja, rada i zaštite zaposlenika i imovine i provodi se u okviru redovnih radnih zadataka na svakom radnom mjestu.

Član 5

Pravilnikom zaštite od požara utvrđuje se slijedeće.

- mjere zaštite od požara koje se moraju provesti u Zavodu i obaveze zaposlenika u pogledu kontrole i provođenja propisa iz oblasti zaštite od požara i radnih uputstava,
- organizacija poslova zaštite od požara u Zavodu, djelokrug i ovlaštenja lica zaduženog za poslove zaštite od požara, te njegovu stručnu spremu,
- način vršenja unutrašnje kontrole provođenja mjera zaštite od požara, te dužnosti, odgovornosti i ovlaštenja zaposlenika koji tu kontrolu neposredno vrše,
- postupak i način upoznavanja zaposlenika Zavoda prilikom stupanja na rad ili rasporeda sa jednih poslova i radnih zadataka na druge sa opasnostima od požara na tom radnom mjestu, kao i način obuke zaposlenika iz oblasti zaštite od požara i rukovanja opremom i sredstvima za gašenje požara, odnosno upoznavanje zaposlenika sa mjerama zaštite od požara,
- vrsta i količina opreme i sredstava za gašenje požara u Zavodu, raspored opreme i sredstava kao i vrijeme povremenog ispitivanja njihove ispravnosti,
- zadatak direktora Zavoda, rukovodnih zaposlenika, zaposlenika koji imaju posebna ovlaštenja i odgovornosti u pogledu provođenja zaštite od požara,
- odgovornost zaposlenika Zavoda zbog nepridržavanja propisanih mjera ili naređenih mjera zaštite od požara, dužnosti i ponašanje zaposlenika u slučaju izbjivanja požara i sl.

Član 6.

Zavod je dužan da na najbolji način organizuje poslove zaštite od požara, te da obezbjeđuje materijalno-tehnička sredstva i opremu za zaštitu i gašenje požara i da organizuje njihovo održavanje, kontrolu i ispitivanje.

Član 7.

Zaposlenici Zavoda dužni su da učestvuju u gašenju nastalih požara i spašavanju ljudi i materijalnih dobara ugroženih požarom.

Član 8.

Zavod kao investitor izgradnje objekata, tehničko-tehnoloških procesa ili njihovih adaptacija i rekonstrukcija dužan je da primjenjuje propisane mjere i normative zaštite od požara.

Član 9.

Rukovodni zaposlenici, zaposlenici sa posebnim ovlaštenjima i odgovornostima i svi drugi zaposlenici Zavoda dužni su da u provođenju mjera zaštite od požara postupaju u skladu sa Zakonom o zaštiti od požara i vatrogastvu, ovim Pravilnikom kao i drugim važećim propisima iz ove oblasti.

Član 10.

Provodenje mjera zaštite od požara je obaveza svakog zaposlenika Zavoda u djelokrugu njegovog radnog mjeseta.

Član 11.

Odredbe ovog Pravilnika odnose se pored zaposlenika koji su u stalnom radnom odnosu i na sva ostala lica koja se po bilo kom osnovu nalaze na radu u Zavodu.

II. MJERE ZAŠTITE OD POŽARA

Član 12.

Mjere zaštite od požara u Zavodu mogu biti: tehničke, upravne, organizacione, obrazovne i druge prirode kojima se sprječava izbijanje i širenje požara.

Član 13.

Tehničke mjere obuhvataju, prije svega, tehničke normative i standarde koji su doneseni na osnovu Zakona o standardizaciji kao i mjere propisane Zakonom o zaštiti od požara i vatrogastvu FBiH.

Upravne mjere uglavnom su propisane zakonom, a njihovo provođenje uređeno je i propisano ovim Pravilnikom i drugim zakonskim propisima iz ove oblasti.

Organizacione mjere predmet su zakonske regulative i odnose se na pitanja odgovornosti za organizovanje i sprovođenje zaštite od požara.

Član 14.

U cilju sprječavanja izbijanja i širenja požara Zavod preduzima mjere zaštite od požara, a naročito:

1. Na mjestima gdje se obavljaju poslovi i radni zadaci pri kojima postoji opasnost od izbijanja požara moraju se postaviti posebna sredstva i oprema za prvu intervenciju u slučaju izbijanja požara (ručni aparati za gašenje početnih požara, priručna sredstva, posude sa vodom i sl.).
2. Na mjestima gdje postoji povećana opasnost od pojave požara provode se posebne mjere zaštite u zavisnosti od materijala kojim se rukuje.
3. U svim prostorijama gdje se odvija proces rada moraju biti postavljeni ručni aparati za gašenje početnih požara ili izvedeni zidni hidranti ako je predviđeno projektnom dokumentacijom, a električne instalacije moraju biti izvedene u skladu sa tehničkim propisima.
4. Kontrola ispravnosti aparata za početno gašenje požara mora se vršiti u ovlaštenoj organizaciji-preduzeću ili ustanovi prema važećim propisima i uputstvima proizvođača.
5. Ručni aparati za gašenje početnih požara kao i druga sredstva za gašenje požara moraju biti postavljeni na vidna i lako pristupačna mesta.
6. Na stepeništima, hodnicima i prostoru određenom za odvijanje transporta i kretanja zaposlenika ne smiju se držati nikakvi predmeti ili materijali, a posebno ne opasne i lako zapaljive materije.
7. Boce punjene propan/butan plinom ili drugim plinom mogu se držati samo na mjestima

- udaljenim od izvora topote i osigurane od prevrtanja.
8. Udaljenost boca napunjenih sa propan/butan plinom od izvora topote mora minimalno iznositi 1,50 metar, a uz upotrebu zaštitnih protivpožarnih paravana/pregrada minimalno 1,00 metar.
 9. U radnim prostorijama zapremine do 70 m dozvoljeno je držati samo jednu bocu napunjenu sa propan-butan plinom kapaciteta 10 kg, a u radnoj prostoriji zapremine veće od 70 m², na svakih daljih 50 m² zapremine još po jedna boca kapaciteta od 10 kg.
 10. Ako je u objektu potreban veći broj boca plina od broja navedenog u tački 9. ovog člana, Zavod je dužan izvesti stabilnu instalaciju, koja se napaja iz sistema sa bocama.
 11. Ako je na sistem priključeno više trošila, ispred svakog trošila mora se na cjevovodu postaviti ventil za zatvaranje.
 12. Na trošilima plina smiju se upotrebljavati samo plamenici za tu vrstu plina.
 13. Svako trošilo za plin mora biti odobreno. Ispitivanja ispravnosti trošila prije prve upotrebe i periodična ispitivanja i kontrolu vrši distributer plina ili stručna osoba koju on ovlasti.
 14. Za manipulaciju sa bocama propan-butan plina (otvaranje i zatvaranje ventila) smiju se upotrebljavati samo alati koji ne varniče.
 15. Zabranjeno je bilo kakvo lupanje po bocama ili njihovo bacanje.
 16. Zabranjena je preinaka plamenika-gorionika trošila sa jedne vrste plina na drugu vrstu plina licima koja nisu ovlaštena za te poslove.
 17. Spoj boce sa trošilom mora biti izведен originalnim crijevima za plin.
 18. Na svakoj boci sa plinom mora se nalaziti reducir ventil za tu vrstu plina.
 19. Zaposlenici koji manipulišu bocama sa plinom moraju biti obučeni za te poslove prema važećem propisu.
 20. Pri nastanku požara na plinskim instalacijama potrebno je odmah zatvaranjem ventila spriječiti daljni dotok plina, a boce iznijeti van dohvata plamena.
 21. Razvodni ormari Zavoda u kojim su smještene električne instalacije moraju biti zaključani i zabranjeno je u istim držati strane predmete.
 22. Zapaljive tečnosti i drugi lako zapaljivi predmeti koje koristi Zavod u laboratorijama i dr. moraju se držati u metalnim ormarićima sa izvedenom ventilacijom i to u količini koja ne prelazi 200 litara. Veće količine zapaljivih tečnosti moraju se držati u za to namjenskim izgrađenim objektima.

Član 15.

Izgradnja, adaptacija, dogradnja objekata Zavoda može se vršiti samo uz odobrenje nadležnog organa, uz uslov da se tim ne stvara opasnost od požara za sam objekat i za druge objekte koji se nalaze u blizini.

Član 16.

Čuvanje i skladištenje opasnih i lako zapaljivih materijala u Zavodu može se vršiti samo u propisno izgrađenim skladištima za tu namjenu.

Član 17.

Ulazak u skladište zapaljivih materijala (skladište plinova i tečnosti i sl.) dozvoljeno je samo ovlaštenim zaposlenicima osposobljenim za rukovanje tim materijalima.

Lice zaduženo za skladište je odgovorno za svaku nepravilnost u pogledu čuvanja skladištenja i izdavanja materijala.

U radnim prostorijama Zavoda smiju se držati zapaljive tečnosti samo u količinama potrebnim za jednodnevnu potrošnju i to u hermetički zatvorenim posudama smještenim u posebne metalne ormariće.

Ukupna količina zapaljive tečnosti u ormariću ne smije biti veća od 200 litara, a pojedinačno pakovanje ne smije biti veće od 20 litara.

Metalni ormarić mora imati izvedenu ventilaciju van objekta i mora biti urađen prema zakonskim odredbama.

Član 18.

Rukovanje, manipulacija i korištenje zapaljivih tečnosti u Zavodu mora se vršiti tako da se isključi bilo kakva mogućnost nastanka požara.

Član 19.

Iz radnih prostorija i prostora Zavoda mora biti omogućena bezbjedna evakuacija zaposlenika u slučaju izbijanja požara, a putevi za evakuaciju moraju biti stalno slobodni i prohodni.

Član 20.

Električne instalacije, ventilacioni kanali, toplovodne instalacije, gromobranske instalacije, dimovodni kanali koji se koriste za potrebe Zavoda moraju se postaviti odnosno izvoditi, koristiti i održavati prema propisanim tehničkim normativima i standardima, kao i uputstvima proizvođača. Instalacije i uređaji iz prethodnog stava mogu se upotrebljavati samo ako su ispravni i pravilno postavljeni.

Član 21.

Električne instalacije u objektima Zavoda moraju biti izvedene u skladu sa tehničkim propisima, tako da ne predstavljaju opasnost od izbijanja požara.

Član 22.

Na glavnom razvodnom ormaru električnih instalacija u objektima Zavoda mora biti ugrađena glavna sklopka za dovođenje cijelog objekta u beznaponsko stanje.

Sklopka mora biti obilježena natpisom "GLAVNA SKLOPKA"

Član 23.

Održavanje električnih instalacija i uređaja, te uređaja na električni pogon mogu vršiti samo zaposlenici Zavoda i lica koja su za te poslove stručna i ovlaštena.

Na električnim instalacijama ne smiju se izvoditi bilo kakve improvizacije.

Pri vršenju bilo kakve opravke na električnim instalacijama i uređajima u prostorijama Zavoda ista moraju biti isključena iz strujnog kruga.

Član 24.

Pregled i ispitivanje električnih instalacija bitnih sa stanovišta zaštite od izbijanja požara u Zavodu (ispitivanje otpornosti izolacije, preopterećenja instalacije i sl.), moraju se vršiti u skladu sa tehničkim propisima i to najmanje jednom u godini dana.

Preglede i ispitivanja iz stava jedan ovog člana moraju se vršiti i nakon svake intervencije ili prepravke električne instalacije i kada se posumnja u njenu ispravnost kao i nakon većih havarija i oštećenja.

Član 25.

Ukoliko se u Zavodu pri opravci sredstava rada, instalacija i druge opreme vrše varilački radovi i radovi na rezanju metala obavezno se moraju primijeniti dodatne mjere zaštite (obezbjedjenje dodatnih aparata za početno gašenje požara, kanti sa vodom, posuda sa pijeskom i sl.).

Član 26.

Prije početka izvođenja zavarivačkih radova i radova na brušenju i rezanju metala moraju se iz neposredne blizine radova odstraniti sve zapaljive materije (piljevinu, drvene ploče, ivericu, kante sa gorivom, mazivom, krpe, papir i sl.).

III. ORGANIZACIJA I NAČIN UNUTRAŠNJE KONTROLE, OVLAŠTENJA I ODGOVORNOSTI ZAPOSLENIKA KOJI VRŠE KONTROLU

Član 27.

Poslovi zaštite od požara u Zavodu organizovani su na nivou referata i obavljaju se u sklopu radnog mesta Rukovodioca Radne jedinice zajedničkih djelatnosti, prema Pravilniku o unutrašnjoj organizaciji i sistematizaciji radnih mesta Zavoda.

Zaposlenik zadužen za poslove zaštite od požara mora imati najmanje višu ili visoku stručnu spremu, potrebno radno iskustvo i mora biti posebno stručno osposobljen za uspješno vršenje poslova zaštite od požara.

Član 28.

U skladu sa Pravilniko o unutrašnjoj organizaciji i sistematizaciji radnih mesta Zavoda, odgovorno lice za oblast zaštite od požara je zaposlenik raspoređen na radno mjesto KV vozač i zaposlenik na održavanju.

Član 29.

Kontrola provođenja mjera zaštite od požara je obaveza svakog zaposlenika u Zavodu u djelokrugu njegovog radnog mesta.

IV. PRAVA, OBAVEZE I ODGOVORNOSTI RUKOVODNIH ZAPOSLENIKA

Član 30.

Organ rukovođenja (direktor), rukovodioci radnih jedinica, rukovodioci odjeljenja, odsjeka i sl. i zaposlenici Zavoda, svaki u djelokrugu svog radnog mesta, imaju posebna prava, obaveze i odgovornosti u provođenju mjera zaštite od požara.

Član 31.

Zaštitu od požara u Zavodu organizuju, provode i unapređuju:

- Direktor,
- Rukovodioci radnih jedinica, odjeljenja, glavni tehničari Radnih jedinica i sl. i
- Zaposlenici Zavoda - neposredni izvršioci na poslovima i radnim zadacima.

1. Direktor Zavoda

Član 32.

Direktor Zavoda kao najodgovornije lice za organizaciju i provođenje mjera zaštite od požara obavlja slijedeće poslove.

- donosi opšti akt kojim se reguliše oblast zaštite od požara,
- organizuje poslove u Zavodu, tako da su zakon i drugi propisi iz oblasti zaštite od požara pravilno i potpuno primjenjivi,
- donosi Program mjera zaštite od požara, koji treba biti uskladen sa Programom mjera zaštite od požara Opština na čijem području Zavod ima objekte,
- stara se o obezbjeđenju radnih mesta gdje prijete opasnosti od izbijanja požara,
- razmatra stanje zaštite od požara u Zavodu najmanje jednom godišnje,
- obezbjeđuje potrebna sredstva za provođenje mjera zaštite od požara i nabavku sredstava i opreme za gašenje požara,
- nadgleda i kontroliše rad ostalih zaposlenika zaduženih po pitanju provođenja mjera zaštite od požara,
- angažuje za potrebe Zavoda stručne saradnike iz oblasti zaštite od požara,
- obavlja i druge poslove u skladu sa zakonom, neophodne za bezbjednost objekata i lica po pitanju zaštite od požara.

2. Rukovodilac Radne jedinice zajedničkih djelatnosti

Član 33.

Lice zaduženo za poslove zaštite od požara u Zavodu obavlja slijedeće poslove:

- prati stanje zaštite od požara,
- učestvuje u izradi opštih akata iz oblasti zaštite od požara,
- po ovlašćenju direktora angažuje za potrebe Zavoda stručne saradnike i ustanove iz oblasti zaštite od požara,
- učestvuje u izradi Programa mjera zaštite od požara,
- organizuje pripremu za obuku i provjeru znanja zaposlenika iz oblasti zaštite od požara,
- vrši neposrednu kontrolu provođenja mjera zaštite od požara u Zavodu utvrđenih ovim Pravilnikom i Zakonom,
- izvještava direktora Zavoda o mjerama zaštite i stanju zaštite od požara u Zavodu,
- preventivno djeluje i vrši evidentiranje mogućih izvora opasnosti od izbijanja požara i određuje mјere zaštite,
- vrši raspored sredstava i opreme za gašenje požara,
- kontroliše da li se u određenim rokovima vrši servisiranje i ispitivanje ručnih vatrogasnih aparata i hidranata,
- kontroliše da li se u određenim rokovima vrši ispitivanje električnih instalacija, uređaja, gromobranskih instalacija i sl.
- privremeno obustavlja rad na radnim mjestima gdje ustanovi opasnosti i nedostatke koji bi mogli izazvati požar,
- privremeno odstranjuje sa radnog mjesta zaposlenike koji svojim radom krše i ne provode mјere zaštite od požara,
- obavlja i dr. poslove u skladu sa zakonom.

3. Odgovorno lice za oblast zaštite od požara

Član 34.

Odgovorno lice za oblast zaštite od požara obavlja slijedeće poslove:

- Vodi propisane evidencije i čuva dokumentaciju i isprave iz oblasti zaštite od požara,
- Blagovremeno informiše Rukovodioca radne jedinice zajedničkih djelatnosti o utvrđenim rokovima u kojima se vrši servisiranje i ispitivanje: ručnih vatrogasnih aparata i hidranata, električnih instalacija, uređaja, gromobranskih instalacija i sl.
- Obavlja i dr. poslove u skladu sa ovim Pravilnikom i zakonom.

4. Rukovodioci radnih jedinica, odjeljenja, odsjeka, timova i glavni tehničari

Član 35.

Rukovodioci radnih jedinica, odjeljenja, odsjeka, timova i glavni tehničari u oblasti zaštite od požara, svaki iz domena poslova koje obavlja, obavljaju slijedeće poslove:

- u saradnji sa Rukovodiocem Radne jedinice zajedničkih djelatnosti, a po odobrenju Direktora Zavoda organizuju periodične preglede električnih instalacija, uređaja i sl. po pitanju primjene mјera zaštite od požara,
- brinu o pravilnom uskladištenju robe, proizvoda i zapaljivih materijala i stalnoj prohodnosti prolaza i prilaza u prostorijama objekata,
- brinu o tehničkoj ispravnosti sredstava rada, opreme i uređaja,
- vrše vizuelnu kontrolu i ispravnost električnih instalacija i uređaja,
- brinu o ispravnosti opreme i sredstava za gašenje (vatrogasni aparati i hidranti),
- predlažu Direktoru Zavoda preduzimanje odgovarajućih mјera u vezi sa poboljšanjem stanja zaštite od požara,
- predlažu Direktoru Zavoda otklanjanje određenih nedostataka u objektima i na sredstvima rada

- koji prijete izbijanju požara,
- predlažu Direktoru Zavoda privremenu obustavu rada na radnim mjestima i u objektima gdje primijete opasnost od izbijanja požara,
 - zabranjuju pušenje u radnim prostorijama i prostorima gdje prijeti opasnost od izbijanja požara,
 - zaposlenike koji stupaju na rad u Radnu jedinicu Zavoda, odnosno kod raspoređivanja na poslove i radne zadatke:
 - upoznaju sa odredbama ovog Pravilnika, izvorima opasnosti i mjerama zaštite od požara na radnom mjestu na koje su raspoređeni,
 - upoznaju sa mjestima gdje se nalazi najbliža oprema i sredstva za gašenje požara i sa načinom rukovanja tom opremom,
 - kontrolišu rad zaposlenika po pitanju sprovođenja propisa, uputstava i mjera iz oblasti zaštite od požara,
 - daju stručna uputstva zaposlenicima kod obavljanja poslova gdje postoji povećana opasnost od izbijanja požara,
 - privremeno odstranjuju zaposlenike sa radnog mjeseta ako svojim radom krši propise iz oblasti zaštite od požara,
 - upoznaju zaposlenike sa mjestima gdje se nalaze ručni vatrogasni aparati i druga sredstva za gašenje požara,
 - obavljaju i sve druge poslove u skladu sa Zakonom i ovim Pravilnikom, a po naređenju direktora Zavoda.

V. PRAVA, OBAVEZE I ODGOVORNOSTI ZAPOSLENIKA

Član 36.

Svaki zaposlenik u Zavodu u stalnom radnom odnosu ili po bilo kom drugom osnovu kao i učenici na praksi imaju pravo i obavezu:

- da se prilikom stupanja na rad u Zavodu, odnosno raspoređivanja na poslove i radne zadatke upozna sa odredbama ovog Pravilnika, izvorima opasnosti i mjerama zaštite od požara na radnom mjestu na koje je rasporedjen,
- da bude upoznat sa mjestima gdje se nalazi najbliža oprema i sredstva za gašenje požara i sa načinom rukovanja tom opremom,
- da opremu i sredstva za gašenje požara čuva od oštećenja,
- da odmah čim primijeti izazivanje požara pristupi njegovom gašenju sa svim raspoloživim sredstvima ukoliko ocjeni da požar može ugasiti bez opasnosti po sopstveni život,
- da svojim radom na radnom mjestu ne prouzrokuje požar,
- da odmah obavijesti neposrednog rukovodioca o uočenim nedostacima i nepravilnostima na sredstvima rada, opremi, instalacijama i sredstvima za gašenje požara.

Zaposlenik Zavoda naročito je odgovoran ako:

- namjerno ili nepažnjom izazove požar,
- ostavlja zapaljive materije na mjestu koja za to nisu određena,
- bez neopravdanog razloga odbije da učestvuje u gašenju požara,
- neodgovorno se odnosi prema opremi i sredstvima za gašenje požara ili ih koristi u nedozvoljene svrhe,
- neopravdano ili bez potrebe daje znak za izbijanje požara,
- ne provodi propisane mjere zaštite od požara i poslove obavlja mimo uputstava i tehničkih propisa,
- upotrebljava otvoreni plamen ili puši u prostorijama gdje je to zabranjeno.

VI. NAČIN UPOZNAVANJA ZAPOSLENIKA SA OPASNOSTIMA OD POŽARA

Član 37.

Svi zaposlenici u Zavoda, zaposleni po bilo kom osnovu, kao i učenici na praksi, moraju biti obučeni za gašenje požara i rukovanje ručnim vatrogasnim aparatima za gašenje početnih požara.

Član 38.

Provođenje obuke i provjera znanja zaposlenika iz oblasti zaštite od požara iz člana 37. ovog Pravilnika vrši se u skladu sa Zakonom i Programom obrazovanja Zavoda.

Član 39.

Program obrazovanja Zavoda i provjera znanja zaposlenika iz oblasti zaštite od požara mora naročito sadržavati:

- odgovornosti, prava i obaveze zaposlenika iz oblasti zaštite od požara,
- organizaciju zaštite od požara u Zavodu,
- opasnosti i izvore od izbjijanja požara,
- preventivne mjere zaštite od požara,
- osnove o gorenju (karakteristike i vrste),
- karakteristike i vrste požara,
- sredstva za gašenje požara (karakteristike i vrste),
- vatrogasni aparati i hidranti (karakteristike i način rukovanja i održavanja),
- postupak zaposlenika u slučaju nastanka požara i sl.

Zavod je dužan da najmanje jednom u toku 3 (tri) godine izvrši provjeru znanja svih zaposlenika iz oblasti zaštite od požara.

Zavod je dužan da u radnim prostorima, na vidnom mjestu, postavi osnovne upute o korištenju opreme za slučaj opasnosti (aparata za gašenje požara i sl.), te brojeve telefona vatrogasne brigade i lica odgovornog za oblast zaštite od požara.

Član 40.

Obuku i provjeru znanja zaposlenika iz oblasti zaštite od požara u Zavodu, u skladu zakonskih propisa iz ove oblasti mogu vršiti samo stručna lica sa završenom visokom ili višom stručnom spremom, tehničkog smjera vezanog za oblast zaštite ili druge tehničke struke ako rade duži period na poslovima zaštite od požara.

Obuka i provjera znanja zaposlenika može se provjeriti i ovlaštenoj ustanovi ili organizaciji za vršenje poslova iz oblasti zaštite od požara.

Član 41.

O izvršenoj obuci i provjeri znanja zaposlenika iz oblasti zaštite od požara odgovorno lice u Zavodu dužno je voditi evidenciju.

VII. VRSTA I KOLIČINA SREDSTAVA I OPREME ZA GAŠENJE POŽARA

Član 42.

U Zavodu na određenim mjestima moraju biti postavljeni i jasno vidljivi i lako pristupačni ručni aparati za gašenje početnih požara.

U objektima Zavoda upotrebljavaće se aparati tipa "S" (suhi prah) ili "CO²" (ugljen dioksid) ili drugi aparati sličnih karakteristika prema namjeni objekta.

U prostorijama objekta mora se obezbjediti broj vatrogasnih aparata na osnovu proračuna o određivanju broja vatrogasnih aparata u objektima, a na osnovu veličine objekta i tehnološkog procesa i vrste poslova koji se obavljaju u Zavodu.

Član 43.

Nakon svake upotrebe vatrogasnog aparata Odgovorno lice za oblast zaštite od požara, uz narudženicu potpisano od strane Direktora Zavod, dužan je odmah isti poslati na punjenje i kontrolu u ovlaštenu ustanovu, a svi zaposlenici koji su upotrijebili aparat dužni su o tome obavijestiti neposrednog rukovodioca ili odgovorno lice za zaštitu od požara.

VIII. DUŽNOSTI ZAPOSLENIKA U SLUČAJU IZBIJANJA POŽARA I NJIHOVO PONAŠANJE

Član 44.

Svaki zaposlenik Zavoda koji primijeti neposrednu opasnost od izbijanja požara ili primjeti požar dužan je ukloniti opasnost, odnosno ugasiti požar ako to može učiniti bez opasnosti za sebe ili druge zaposlenike.

Ako zaposlenik ne može sam ugasiti požar dužan je odmah obavijestiti vatrogasnu jedinicu, te pozvati u pomoć ostale zaposlenike da raspoloživim sredstvima i opremom za gašenje požara pokušaju ugasiti požar ili spriječe njegovo dalje širenje ili da ga lokalizuju.

Zaposlenici koji su primjetili požar ili su bili na to upozorenji, dužni su da iz neposredne blizine pokupe sve raspoložive količine vatrogasnih aparata i drugih sredstava i odnesu ih na mjesto požara radi gašenja požara.

Direktor, lice koje ga zamjenjuje ili odgovorno lice za zaštitu od požara dužno je organizovati akciju gašenja požara, te odmah obavijestiti vatrogasnu jedinicu, a nakon gašenja požara odmah obavijestiti nadležnu inspekciiju zaštite od požara.

Član 45.

Prilikom pojave požara u Zavodu najhitnije se preduzimaju mjere spašavanja zaposlenika ukoliko su njihovi životi u opasnosti, a zatim spašavanje materijalnih dobara.

Član 46.

U početku akcijom gašenja požara rukovodi direktor, lice koje ga zamjenjuje ili odgovorno lice za zaštitu od požara ili lice koje je prvo započelo gašenje požara, a po dolasku profesionalne vatrogasne jedinice rukovođenje akcijom gašenja preuzima određeno lice iz vatrogasne jedinice.

Član 47.

Lice koje rukovodi akcijom gašenja požara ovlašteno je da:

- svim licima koja ne učestvuju u akciji gašenja požara zabrani pristup na mjesto požara,
- naredi prekid - isključenje dovoda električne struje i drugih energenata i zapaljivih materija,
- organizuje spašavanje lica i materijalnih dobara,
- angažuje sve zaposlenike Zavoda na akciji gašenja požara bez obzira na radno vrijeme.

Član 48.

Neodazivanje zaposlenika na poziv za gašenje požara predstavlja težu povredu radne obaveze i kada nisu zbog takvog postupka zaposlenika nastale štetne posljedice po Zavod.

IX. OBAVEZE ZAVODA PREMA ORGANIMA NADZORA

Član 49.

Nadzor nad provođenjem mjera zaštite od požara vrši inspekcija zaštite od požara kantonalnog MUP-a Federacije Bosne i Hercegovine.

Član 50.

Zavod je dužan omogućiti inspektoru zaštite od požara ulaz u objekat i pružiti mu svu potrebnu pomoć prilikom vršenja nadzora.

Zavod je dužan da na zahtjev inspektora zaštite od požara dostavi na uvid svu potrebnu tehničku dokumentaciju i dokumentaciju iz oblasti zaštite od požara.

Član 51.

Zavod je dužan postupiti po Rješenju inspektora zaštite od požara u rokovima koje odredi inspektor.

X. PRELAZNE I ZAVRŠNE ODREDBE

Član 52.

Na sva pitanja koja nisu regulisana ovim Pravilnikom primjenjivaće se odredbe Zakona o zaštiti od požara i vatrogastvu FBiH i drugi propisi iz ove oblasti.

Član 53.

Izmjene i dopune ovog Pravilnika vrše se na način na koji je i donesen.

Član 54.

Ovaj Pravilnik stupa na snagu danom donošenja.

Član 55.

Danom stupanja na snagu ovog Pravilnika prestaju da važe sva opšta akta Zavoda u kojima se regulišu pitanja oblasti zaštite od požara.

Broj: 05.2-298010

DIREKTORICA

Sarajevo, 18. 11. 2010. godine



Dostavljeno:

Dr sci. med. Snježana Balta, primarius

- Radnim jedinicama Zavoda,
- Rukovodiocu RJ zajedničkih djelatnosti Zavoda,
- Odgovornom licu za oblast zaštite od požara,
- Na oglasne ploče Zavoda